

贛州府志卷十

山川志

古蹟

坵墓附

明

崆峒山房在郡城明劉丞直讀書處王禕有記內云贛縣劉君宗弼之居南望崆峒近在目睫故讀書之室名曰崆峒山房及出而仕使節所至即以向之名書室者爲所居之匾焉曰吾以志鄉土之思也及宦後歸休自號崆峒雪樵學士宋濂賦崆峒雪樵贈之

賦云伊崆峒之拔起兮鎮嶠南之靈區翠旛續其蕩空兮播灑氣之蕤綏章貢挾以北流兮盎土脈之滋腴穴遙通於龍翁兮勢蟠亘於鬱孤信地維之奧宅兮爲靈

贛州府志

卷十

古蹟

一

真之所都則有白鷺羽人黃唐丹士闢玉爲房鑄金成黍仰青帝以布帷揆赤霞而啟笥悼下士之坌濁凌剛風以逕度惟彭城之仙子兮武爛柯之遺軌謂靈奕之可觀兮意翩翩而遐舉裘剪鹿胎之花屨約芝田之藥巾割湘雲之枝輦點彩鷁之尾傷胡麻之未飯愛白石之堪煮踰洞真之石扉借修月之寶斧期緜笙之下臨兮庶綠文之可吐於時元冬屆朔氣交冰腹堅金莖高二鶴夜語獨鳥晝韜莽六飛之聚白合溟淖於空寥幻九清之秘景闢太素之神苞奪人目睛兮若流汞翻空而不定一白無地兮如爛銀炫耀於霜臯瓊林玉樹疊穎聯條柯頓亡於春綠蘄巧綴於晴梢乃陟瑤磴乃依

冰樾膚中寒而生鱗指屢僵而弗屈丁丁許許不遺□
力已枯成采方長不折玉屑隨身而輕墮霜莖倚雲而
初積束以九真之赤籐附以千年之茶魄既逍遙而咏
歸忘蕉鹿於今昔歌曰我采我樵兮太濛之野萬樹玲
瓏兮玉光照夜孰能相從兮與霓旌而俱下於是築石
竈緡金經養神火煉黃寧永生水虎之窟鉛出火龍之
肩液承太乙之珠璣運元華之精憑添抽之卦券植鄴
鄂之丹城逮伐毛而洗髓致陰爍而陽凝種芝於瓊玉
之山折桂於廣寒之庭領衿佩於橋門集鵷鷺於王庭
白簡霜飛綉衣春明近一出而持斧使九夏之生冰乃
乘風而來歸兮將瀛洲之先登隔人間之風雨兮遽真

凡之異程至若西鄰之子沉酣羶葷屏龜香曙笙火花
春瑤階舞楚銀館歌秦黃塵迷南華之夢敝屣嗤東郭
之貧樂鐘鼎之遺豔厭煙霞之近醇尚父釣渭阿衡耕
莘或封國於東海或致君於華勛齊出處於一塗何變
志於屈伸世繽紛兮麗以新蠟代薪兮傷芳晨翻海水
以爲霖兮曾莫濯夫游塵孰不化爲胡燕兮依華棖之
飛文丹禽鳴夫空谷兮亦寥寥之一聞彈樵歌之逸響
兮寄綠綺於秋旻歌曰若有人兮在蘭崖止白虎爲使
陟崇巖止皓毳迴飈敷天葩止虛白內朗絕纖瑕止仁
斧義斨龍鏘鳴止鵝膏匪施痂弗形止翦彼薪樗扶松
柏止養賢大鼎熟以烹止天下爲公大道行止遡風屹

立思盈盈止

武寧樓在贛州衛後明洪武初建

營邱山房在郡城明呂仲善所居今無考

明危素題營邱山房詩云大岳流芳裔何年徙贛州殊
勲思尚父作室表營邱故國兵戈後空山草木秋穆□
關北路風雪近曾遊 周滇詩云周室疏封後齊疆□
國初流風看後裔形勝想遺墟水合如分魯山回似八
徐路疑登載處溪擬釣璜餘紅樹臨關近青蕪際海疎
徵賢方奏頌何暇賦閒居 陳謨詩云稷下古諸姜營
邱小洞房鄰存鍾令宅里似鄭公鄉亂後蓬蒿長春歸
棣萼芳每從黃髮老最譽白眉郎一室如函史羣書自

贛州府志

卷十

古蹟

三

大方移床分竹影掃壁散芸香輪鞅莓苔外鳧鷖几席
旁歌商懷考父玩易到羲皇建業看圖畫平川隔水鄉
參差多點染窈窕極蒼茫山勢元宗岱溪流想釣璜高
秋憑虎踞何處覓鷹揚 鍾瓘詩云不見當年有杜侯
楊坡猶說是營邱衡茅數畝樹深處老柏十尋簷上頭
滿地白雲難盡掃半庭紅雨未曾收太常去矣風流在
宦業書香幾百秋

樂善堂在雩都治北明西昌郭善敷子季正建學士解縉
有記

記云雩陽有山川之秀青山黛環巧比疊削城屋壯麗
地大以延可列萬家尚有羸隙以爲園池遊憩之所宜

隱者君子之所樂至徘徊而不能去也西昌郭君善敷嘗作樓居以臨山川密邇市喧志不樂也其令子季正謀改卜於今所在縣治之北地勢廻環而邑之水縈抱焉徑通窈窕市隱瀕深陶然不知闐闐之紛拏泰然而有山林之佳趣也於是遠不離倫近不昵市清華宴適兼而有之此固善敷之素志而季正克成之以樂其志也非善養歟雖然善敷之志隱者也季正舉茂才爲天子儲養待用翔於京邑登於廟廊行有日矣而豈志善敷之所志歟抑將志阿衡周公之所志與蓋有之矣處則承親之志一樂也出而行己之志亦樂也出也處也是或一道也於是季正將無往而不樂也蓋爲善而後

可樂若夫志於富貴則富貴得而憂之志於功名則功名得而累之祇見其憂末見其樂惟能超乎富貴之中伸乎富貴之上而駸駸乎道德之徵處則志伊尹之囂囂然於畎畝出則几几然於周公之廟堂也則其所樂之長由見其心之大也彼何人哉希之則是予固喜季正之善處矣他日達施則此是望焉善敷儒者老成若梁演劉嵩練高胡行簡揭平仲諸公皆莫逆季正學固有淵源也

雲山萬里石刻解縉書明永樂間縉左遷過贛浮屠老子之居多爲題額此四字尤蒼勁竒古贛邑宣義郎胡萬里字雲山見之躍然以與名字相契購之弗能得越數

年其子胡潤重價得之遂以揭諸屏宏治間按察僉事泰和蕭器用爲勒其事於石

大觀亭在章水西西隱山明知縣何文縉建董尚書越記文縉嘗與貢士廖森等同遊聯句今廢

廖森何文縉呂楨大觀亭聯句云地僻蹄輪少雲深草樹平落花千萬點啼鳥兩三聲石磴緣春綠山樓倚暮晴林臯下寒日烟黯百層城國朝吳應驥大觀亭詩云城西西隱踏斜曛蕭寺鐘聲寂不聞多謝好風供晚眺翠微捲起幾重雲無錢料理買山資世態浮雲付一卮辦得籐筇兼筍屐前溪來聽鶴聲遲

龍塘別業在信豐亦曰龍蟠塘明成化間劉世常構別業

贛州府志

卷十

古蹟

五

於此據地之勝爲園封土爲臺樓曰駐景隄曰長春堂曰濯纓亭曰御風中有賒酒渡九曲渠泛香渠泰和劉鳴記

天一閣在南街與城外火燄山相對鑿井閣下取水制火之義初名元虛又名太陰明正德初閣廢井塞十一年丙子知府邢珣重建布政使蔣曙改今名國朝乾隆三十一年丙戌燬於火三十四年己丑知縣李新其倡紳士曾正遴等修復并浚原井知縣衛謀竣其工教授

劉謙記

記云天一閣太陰井者昔人以制城東火燄諸山紓贛城火患而資以汲者千有餘家康熙十二年修之乾隆

五年復修之三十一年井忽陷泉涸未幾大街火閣亦
燼由是火災屢見居民遠汲以食咸苦之三十三年春
知縣李公曉江求紓贛民迺延紳士公且能者議爲之
倡捐羣情踴躍以夏四月二日興事而少府陳君楷園
董之益拓地增其制踰於舊冬十月李公以疾歿衛公
松崖繼焉更爲獎勵期年訖功既成井以清冽閣以巍
峙而贛城火災以息綆汲復便衆利賴之而感二公勤
恤之心紳士協贊之力謀勒諸石以垂不朽屬余爲筆
其始末云

陽明小洞天在龍南玉石巖下王守仁平龍川泐頭班師
憇此題曰陽明小洞天勒五言詩於石又書平南泐碑

刻於巖壁

按陽明小洞天省志兩載一在贛縣通天巖一在龍
南玉石巖蓋沿名勝志之誤也

王陽明手書大學聖經章石本舊碑七上員下方立贛縣
學中兵燹後不知所在雍正間府學教授趙與鴻得其
片石歸之縣學近亦亡尚有存其搨本者

培春亭在榴岡之麓呂心古家其間因爲別圃伐石爲臺
雜蒔名卉見劉鴻記

記云宏治己酉心古呂君大治榴岡之第已而顧西址
隙地徑畝謂其仲小山曰亭之可乎小山曰可敞其前
爲亭表以壯之何如心古曰俞子其濟吾勝矣壬戌之

冬乃命工購而屋之材良工堅雄渾精麗旋螺覆巔交錯藻繪埴埴如也瞳瞳如也室而輔之撫而軒之奧如也翼如也既又因山之麓伐石爲臺臺爲之磴百卉蒔焉去臺而西嘉植灌栲當夫春日載陽芳意盎塞天工所至神奇畢呈積李縞夜崇桃炫晝風露披灑芬馨襲人疊錦層章殷殷織織林樾周遍流陰蔽芾盛暑之日清風滿床萸菊占候芳蓀抱寒亭中之春貫四時而無間也今年春予訪舊平川君昆季觴予其間者旬日且曰亭矣不可以無名敢請予爲之題曰培春署其表曰西墩佳麗則又曰名矣不可以無文文以屬予夫培之言養也春四時之首天地之元功也亭中之卉若欲生

之非培不可在吾人有輔相之道焉是故封土以固之植槎以植之汲泉以灌之劬然如保嬰兒氣至而滋息焉斯勃勃矣彼夫養人理物之道有異此哉心古君隱約不仕未發舒其培春之用而托此以寄之然其所以康濟於身家流衍於來裔者初不待求之外也培之身心融聲和積而晬面盎背皆春也培之家孝友肅雝克而嫺睦任恤皆春也培之子若孫善積而慶鍾所謂庭階玉樹蘭茁其芽皆春也昔董召南讀書行誼於終南之下孝友所致生祥茁瑞庶幾乎培春者昌黎韓子重之以聲歌千載而下謂董生爲何如人今君兄弟如其行焉惜不得如昌黎大書特書傳之無斃而獨委之予

也予之文異時傳不傳未可知其所謂培春者足傳無疑遂不辭記之以告其後人俾嗣而培之毋替

會秀亭在會昌儒學東明正德五年庚午知縣王顥重建相傳爲宋進士賴克紹講學處

憇息亭在龍南東四十里曹嶺明正德十五年庚辰知縣蔣瑋建

遵義樓在興國北大井上邑人王實華建都御史汪鉉親書遵義樓三字嘉靖未圯隆慶三年己巳知縣盧晉重建改爲福汲亭萬歷三十四年丙午知縣王芮更名德水亭四十年壬子燬今修葺仍名福汲

視聽二箴碑在興國三程子祠明嘉靖中詔頒范氏心箴

贛州府志

卷十

古蹟

八

程子四箴石刻於學宮今興國縣儒學於綦蕪瓦礫中得視聽二碑拭而新之豎於三程子祠而三箴闕矣上額宸翰二字書法遒勁

海瑞題壁詩在興國王氏宗祠瑞令興國時嘗以秋日省斂至沉塘憇諸生王應時家題其壁曰春耕勤力望秋收得遇年豐減却愁肩負百觔猶恨少身穿一縷尚嫌稠勞而不怨奔如馬貧且無能拙似鳩苦盡甘來何日是笑他常爲主人憂應時字龍田嘗試文爲海所賞拔後歲薦任潯州教授從孫今禮部侍郎思軾也題壁詩猶存王氏宗祠字大如盃瘦硬有生氣

風雲亭在安遠濂江坊靈寶觀後明隆慶五年辛未知縣

周昶建爲生儒講習地

太極圖說石刻在府西太極亭明萬歷間都御史張岳建
石刻王守仁太極圖說及大學古本序中書說立此亭
太史楊起元記

按石刻與大學聖經凡四篇一在縣學三在此亭幾
二千字惜今片石無存末由摩挲而寶貴之也

川上亭在雩都南薰門外明知縣劉昌祚建

南薰樓在會昌南明萬歷間知縣沈道全建

雲峯拱秀閣在贛縣東縣岡頭明知縣黃世忠以名亭萬
歷中知縣王藩臣易亭爲樓尋改

龍門閣即廻瀾閣在雩都永安門外明萬歷四十一年癸

贛州府志

卷十

古蹟

九

丑知縣阮悉建 國朝順治十六年己亥知縣李祐之
修康熙二十二年癸亥知縣劉運樞周以屏牆閣內祀
關帝三十四年乙亥知縣趙懋丹腹中樓祀文昌四十
年辛巳水嚙墻圯知縣盧振先修重建大門築堤河岸
邑人曾紹侃記六十一年壬寅於閣後建祠祀知縣王
世濟乾隆二十一年丙子知縣高澤敘重修
曾記云閣去城西外百步俯江之濬按雩水自寧會二
河趨白口合江順流而下十五里至此將逆折而西爲
一縣水口形勢家謂其迅逝奔放宜建高閣以障之庶
淵渟紆緩不覺一往怒張先是萬歷癸丑明府阮公創
建飛閣顏曰廻瀾逮明末甲申乙酉間兵馬絡繹閣漸

圯入 國朝順治己亥常山李侯修焉而文瀾砥柱題
匾則吉水司馬李梅公先生筆也康熙甲寅崖寇蠢動
閣爲兵馬踐踏地癸亥東阿劉侯又修之祀神其間今
甲申之五月洪水暴漲閣復爲巨濤所嚙三韓盧公朔
望謁廟心甚歉焉顧理煩治劇迄無寧晷乃於城垣學
宮城隍分司諸役備舉後擇丁亥七月庀材鳩工煥然
新之於是年十一月落成廣閣西地若干閣東地若干
沿河築堤以防冲塌夾岸種樹以爲護衛登斯閣也覺
水光山色恍然來會而不知大江之杳然而去也余思
當明神宗癸丑時海內文明民物豐阜故賢司牧刑清
政暇得爲吾雩培風土乃將近百年而兩阨於兵一阨

於水至若盧侯始大闢修之而巍焉奐焉則豈非斯閣
之興廢闕乎氣運之盛衰而若有待焉以彙成吾侯之
嘉績哉余既喜侯之長材遠馭事無不舉能推其餘力
以及於斯閣而又行見吾鄉之漸致豐阜毓靈鍾秀當
必有應運而興者之傑出於其間也遂援筆而爲之記
歌風亭在會昌南明天啟間知縣梁宏建今廢

來星閣在信豐東七里基奠於萬歷癸丑天啟五年乙丑
知縣蔡自強創建署縣事曹繼唐記邑人會文其上曰
香山社 國朝順治五年戊子燬康熙四十一年壬午
知縣張執中追復舊址累石爲臺高六尺建崇閣其上
桃江北注爲中流砥柱自爲記

張記略云邑治北沿江而下舊有來星閣面山臨水孤
聳如星因名焉或又謂劉向校書天祿太白以杖藜火
燭之今峯映西方所以取其名閣去郭十餘里帶水襟
山一切雪舫雲峯風花霜樹四時憑眺各具其狀按邑
志爲信人士肄業地也基創明神宗之癸丑而成於熹
宗乙丑邑令蔡公自強者公賢吏也於士氣民風每加
意焉故有此構當其時君子知耻重義小人安土而不
流其心肅然人文蔚起田野樂利冠於他邑厥後戊子
燬於兵廢而莫舉李文叔謂名園興廢係洛陽盛衰余
亦將以斯閣覘斯邑焉矧斯閣也砥柱狂瀾屏衛縣治
士之業孔孟者日講習其中以輔黨庠術序所不逮用

是歲俸爲倡紳士復欣爲之和於壬午春鑿石砌墩高
六尺上作閣兩層鳩工庀材五閱月而告竣視前日之
白露荆榛集鳥獸而藏鼯鼯者今且高薨巨桷與水光
山色相上下噫曾幾何時而今昔殊觀頓易如斯耶覩
此閣之興愈知有志竟成學者宜思共奮其力各致其
功或誦讀之餘俯仰登臨穀山蒼蒼石可漱也桃水泱
泱流可枕也仁也智也可以兼而樂之更進此想終南
嵩華之高黃河滄海之深且大以養吾浩然之氣裕吾
胸中之竒又烏知不霞舉在天黃雲覆地媲美當年之
盛耶易云窮變通久夫窮則變今日事也至於通久則
又俟於繼此之再作者是爲記

明黃戴元來星閣詩云江畔高樓聚客星層楹山繞恰
如屏花開花落堤常在春去春來雨不停海底魚窮邨
可賦林間雀噪預爲靈倚檻正自慚雙鬢忍對浮煙一
縷青 國朝黃虞來星閣落成詩云新閣巍巍高岸巔
迥凌桃浪架翬鶩鰲正向南河躍簷鐸平臨北斗懸
拂袖欲鞭秦帝石橫眸直瞰楚江天騰空好捉青蓮月
摘得丹枝向水燃 黃彬詩云畫閣凌雲起羣峯萃五
星藍波開玉鑑翠嶂列雲屏地峻天垂蓋窓虛月滿亭
春風來燕賀川岳永鍾靈

先春閣在信豐城南達花園路桃江西岸上明天啟間知
縣蔡自強建題柱云花飛滅却春願教青帝長爲主水

贛州府志

卷十

古蹟

十二

流何太急恒有漁郎來問津俗呼爲佛祖閣

後樂園在會昌莊埠清白坊右明邑人胡夷簡退休後築
古木干霄亭榭錯落其間康熙十三年甲寅燬於寇

盧觀象故宅在郡城內新開路宅前有大池深廣直鐵櫃
塘觀象約州倅月世光止水死難即其處李元鼎有詩
響濤山房在會昌南十里文溪旁明崇正間逸農吳國臣
築山有古松五六株大可數圍萬安戴玠題額其孫一

賡記

記略云崇正中先祖熙貞公由湘鄉霞族遷居於沙河
之東文溪之旁因語家人曰昔遺老周伯綸垂釣魚潭
石在溪口余數過而樂之此村甚僻而土又薄可居也

家人跪進曰土薄何居曰爾不聞沃土之民不材乎既築室又語家人曰屋東南隅舊寨不可廢也家人於是修築之屋後西北隅有古松五六柯大可數圍松陰疊疊落溪水中乃築山房於古松樹下左倚山隈右臨溪水松枝交橫覆屋如蓋又率家人種新松五百餘株既而皆長茂因自號曰文溪逸農名其集曰耕於記陶然於山松水田之間山房既築未有名康熙戊申萬安戴衛兒師來寓愛松聲溪聲之交貫於耳不歇也因題響濤於山房之額回憶順治戊子之變迄於康熙丙辰兵寇相仍而予家舉得無恙然後乃知我祖有先幾之哲其貽謀深且遠矣

巢龜亭在府西提點司旁前有池贛撫李汝華建

雷岡亭即萬松亭舊在貢水東明末松伐亭燬 國朝康熙年間贛鎮姚自強復植以蔽火燄山

合江亭在龜角尾

羅經石篆文在興國東簾幙嶂前石上隱然具子午篆文故里人多習形家言

魚潭石亭在會昌南二十里亭立江滸石形似蝦蟇因名蝦墓石指爲遺老周伯綸釣磯

雪外烟林樓在府却月觀右取蘇軾風花亂紫翠雪外有煙林句名之

白雀樓在龍南水西前臨桃水康熙二十九年庚午訓導

鮑一箕改爲寺

青雲閣在龍南城外西北隅又有東峙閣在東江橋對岸
一名臨江閣

寶露閣在安遠西門外墖下今廢

濯纓亭在興國西山墖院前 尹公井亭在雲溪鋪

曾波閣在靈山廟後吳綺有詩

詩云止宿因朋好金庭偶借棲樹涼花氣足雨密水痕
齊簾動魚兒影書翻燕子泥愛他清漏永月到畫橋西
仙院無凡吹秋聲在薜蘿江雲催曙早山雨送涼多
一帙能銷暇三卮足養和主人偏重客皂蓋已頻過

寧都三州縣古蹟附

贛州府志

卷十

古蹟

十四

衷愉碑記在寧都縣西八里安國寺衷南唐御史大夫邑
人也又城內崇福寺有修寺碑及食堂二記皆衷愉筆
李後主重陽詩在寧都甘泉巖桃林寺又禪月畫十八羅
漢孫志康題名真蹟皆在寺中

溫革讀書樓講堂義館在石城東北柏林盱江李觀記
昇仙臺在石城太極觀後相傳宋大中祥符間徐王二道
士登仙於此

蘇文忠公軾剛說石刻在寧都學宮爲孫介夫子志康作
也朱子爲之跋寧都主簿鄭載德立石

畫錦亭在寧都南關外延春谷沿塘植柳志勝云舊有雙
魚洲浮卧江中狀如游魚巨浸不沒邑人孫立節父子

讀書處今存廢址

竹林隱居在寧都即延春谷爲孫勰孫勵舍蘇軾榜其名
六友堂在寧都輿地紀勝云宋宣和壬寅鄧衍知寧都於
縣之圓通院建六友堂蓋同時丞方廷實簿張參東尉
俞誼西尉方某監務何常併衍六人同登政和甲午進
士科云 潔襟亭在西南亦鄧衍建以覆陸公泉者
羊眠岡亭在瑞金宋劉十六郎兄弟興師靖寇之處明天
啟六年丙寅知縣梁宏建後圯邑人梁姓重修
環山園在瑞金東雙清渡之涯林木陰翳諸山環繞月池
曲徑鄰寺三五前爲讀書草堂後顏去矜旁爲聽松閣
徐來洞宋孝廉謝聘別業

贛州府志

卷十

古蹟

十五

雲川亭在石城西舊名秀光宋慶元間縣令楊公正修
去思堂在寧都東去思橋上楊萬里有記

水竹幽居在寧都箕簞谷宋儒□興宗築修竹數十畝翠
篠蒙密中有飛來獅子二峯翠巖釣臺瓢泉諸勝朱子
詩有寄題梅川草堂即指此

熙熙臺在寧都文明門內一名印山宋縣令彭鉉樹碑其
上尋廢明嘉靖十一年壬辰知縣陳大綸重修側有登
春館宋縣令廖益仲建邑人杜東記

揖仙閣在石城東舊名雙溪宋寶慶元年乙酉縣令黃岌
重建以面劉仙姑嶺名也

宋文丞相竹林泚筆在寧都西北天祥兵過偶作書有所

徵發泚筆竹葉後竹生葉俱有墨蹟

錦繖石在石城華蓋山頂高丈餘下銳上廣而圓狀似麾蓋其西樟口潭有大樟樹輪困如龍蔽江面十餘丈東西可以攀援有宦者率衆伐石仆之又伐樟樟流血浹旬後天日清明常於其處見龍影蜿蜒橫江而卧甘露柏在寧都蓮花山古寺中青天無雲每零零然雨則亡之又有釵股鐘鐘鑄輒敗缺一女子投釵於冶而成釵著鐘肩金爛然如初製

玉杯石在寧都金精山靈泉泉旁有石磴騷人墨客多環坐流觴爲樂有一異人持白玉杯飲於泉側飲罷置杯石上以手拍石而去掌跡宛然杯入石徑寸明宏治間

贛州府志

卷十

古蹟

十六

一縣令怪而鑿之遂缺杯底一角

五賢祠碑在寧都元吳澄撰文趙孟頫書今尚存

凌雲亭在寧都金精山明正統間建即漢女仙張麗英飛昇處今廢

毓秀臺在瑞金北上有閣明萬歷二十五年丁酉知縣林德廣建有記歲久廢 國朝康熙四十二年癸未知縣田俞倡紳士修復蒼松環繞峯巒屏列後有寺魚磬梵唄聲隱隱從臺下出每當重九邑人多攜酒吟眺於此讀書亭在石城西龍門書院明萬歷三十六年戊申知縣黃廷鳳建自爲記今廢

願豐亭在瑞金西赤硃嶺明萬歷四十四年丙辰邑人楊

可慎建

植園在寧都文明門外明曾儀兄弟別業士夫過而題
者積久成帙鐫有植園倡和集

勅書閣在寧都登豐門外明給諫曾應遴藏誥勅處今存
廢址

翰閣在瑞金泮宮前大成門上前俯綿江一望浩渺峯岫
雲嵐目不勝收爲一邑大觀邑人謝重拔記

起鳳閣在寧都城西濠池右南對螺石西望翠微東北循
雉堞而瞰梅江煙樹縱橫出沒爲邑勝觀

桃源亭在寧都金精洞口上通石鼓凌霄諸峯有泉名桃
泉澄澈甘美亢旱不涸 百花亭在金精洞內四面削

贛州府志

卷十

古蹟

十七

壁周圍植蒼松翠篠仰觀梵刹樓殿如在天府俱廢
淇園在祇樹林右邑人曾貞緒構徑有喬木陰翳下垂荷
池右列翠篠萬竿天然幽境也

黃芝園在瑞金南雲龍山麓嘗產靈芝有黃雲覆之
二華居在石城西金口寺左明邑人黃中別業前後列東
西二華秀麗插天池塘花木頗稱幽居

論曰贛境古臯陽國也自秦王剪定百越漢陸賈說
尉佗兵符使節之所經類皆溯贛石而上寧無一二
踪蹟在焉代遠年湮不可得而詳矣獨傳齊涓子至
平固山中發石笥得秘書涓子秦以前人也其說荒
幻惟銅鼓見於漢廟瓦出於宋蹟綦古矣唐以後時

愈近則蹟愈著凡仕宦羈寓於此邦者過化所留地
與俱勝至先喆維桑品題翰墨每令人摩挲而寶貴
之由斯以推浮屠老子之流標靈著異亦不得而略
也昔王歆之鄧德明之記南康山水徘徊往躅軼事
詭聞爲之屢書不一書焉古之人不有先得我心者
歟

邱墓

郡之邱墓見於南康記者漢柴侯世最遠然柴侯避
地雩都非贛人也今郡邑志所載有仕宦流寓卒而
塋於此者茲略爲區別先登本郡後列仕宦流寓攷
明其本籍其無可攷者仍之立邱墓志

贛州府志

卷十

坵墓

十八

五代

檢校工部尚書楊將軍晃墓在安遠龍泉堡楊家寨歐陽
威鳳有記

記云余嘗登楊將軍之墓見其來龍聳秀到穴平陽可
數畝無樹木亦無夏屋馬鬣封但如覆釜八九尺高三
四尺旁有小墳傳當時堪輿葬將軍後亦死葬於此四
望遠近峯巒如弓箭鎗刀旗鼓之類無一不具洵如陳
希夷爲世家卜葬於豹林谷曰地佳當世世出名將也
且聞此墓有夤夜盜葬者死其子三後乃止又或冒爲
其租鳴鑼醮之亦死迄今幾閱世代惟有風淒露墜走
燐飛螢廢爲荒城而已毋亦有楚王茂殮太子以玉魚

在其中而鬼物守之乎不然何以不敢侵并令人不敢近耶是則將軍地真神地矣

按晁本傳稱太和元年當屬晉帝奕又稱五季時嘗率義兵保障鄉井則爲前五代時人可知唐文宗亦有太和年號與宋相去懸絕矣

唐

叅軍鍾寶慎墓在興國殷富坪紹京墓左乾隆十三年戊辰其後裔重修

吉州安福令贈饒州刺史鍾子威墓在興國湫江鎮沙陂寵之孫也孫爲越國公紹京

中書令越國公鍾紹京墓在興國清德鄉殷富岡乾隆十

贛州府志

卷十

坵墓

十九

三年戊辰後裔重修墓左砂之麓建有醮掃站房

檢校戶部尚書謝肇墓在興國衣錦鄉黃口

按通志南康上猶有謝平蠻墓相傳謝肇未知孰是

梁

防禦使盧光稠墓在贛縣貢水東近東林寺

宋

司空李潛墓在興國長信里木口山其子寶文閣待制李朴墓亦在焉

按水頭莊有木口邨李司空父子賜塋所在久而凌夷明萬歷間知縣蔡鍾有始勘得之立菴以表焉

國子祭酒唐國忠墓在龍南新興堡東村碑文剝落惟石

人石馬猶存

龍圖閣學士兼安撫使鍾公墓在龍南雷公堂石翁仲尚存
存佑即紹京後裔興國人

吏部尚書曾楸墓在贛縣崆峒山

禮部侍郎兼直學士院曾開墓在贛縣崆峒山

直閔閣陽孝本墓在贛縣玉巖側提刑李傳實助葬後經遷出淳熙六年己亥程宏靖邑令王沆復葬於此宋陳光祭文云嗚呼先生清而能介和不流甘枯槁於當年將終身於林邱八行招聘幡然來遊講經辟雍學者是求欲爲不可即請歸休朝議是嘉進職挽留官直秘閣俾且優游世之隱者能忘世而不出利祿之士或貪

進而忘羞惟予先生完潔無尤出處進退與道爲謀生成之理倏然浮漚壽八十四舉世罕儔抑當不朽高名之由某晚出鄉間蒙誨且周言猶在耳忽隔冥幽陳辭以奠流涕莫收 延璽祭墓文云嗚呼先生趣尚孤高行誼端潔擺落聲利不爲遷移雖以薦得官翱翔上都然著脚宦海褰裳弗濡抱負所有歸隱故廬藏書萬卷反覆細繹深造理窟怡然自得一世名儒至以元德秀比之其清風到今猶足以激懦律貪舊墓在玉巖之側邦人惑於陰陽忌諱起先生遺骨藏之祠堂昔董相之墓過者下馬喬公之墓過者致奠思其人而敬其墓於先生而若此豈邦人致敬之意某等聞之惕然遣邑吏

按尋舊穴得石壙一所辟之滌之作爲小棺納遺骨以葬從先生志也復揭姓名於墓道俾來者勿壞既畢謹遣宣議郎幹辦公事備酒肴以告伏惟先生之德與此巖同不朽雲駢霞佩未必不時遊於茲也既歸遺骨魂則有依敢告 明李路行實略云玉巖先生乃模公七代孫名孝本字行先居虔州天資純正恬淡寡欲而篤於學宋熙寧中游上庠雖休澣未嘗出外時左丞蒲公宗孟謀於學官簡閱士類以克館客學以行先告因延致西席以誨子弟二年告歸束脩皆不欲受蒲問所欲曰願以市羣書蒲因盡置國子監書贈以歸且作詩送之行先徙居虔州之西門隱通天巖將所有之產三之

二以粒傍巖之僧寺以贍學中之師友遠俗養志怡然自得郡守林顏題其巖曰玉巖學士蘇東坡度嶺時一見玉巖翁深訝相遇之晚與同遊真君樓下謁祥符宮真武像又次鬱孤臺韻詩以贈之分攜時又贊其真并詩公徜徉玉巖十餘年聲聞四達大觀丁亥五月小邏先塋前產瑞蓮之祥是年國頒八行科以網羅賢俊行先時居虔州本縣提舉學士太守吏部郭知彰以公應詔召對稱旨賜官登仕郎當除國子學錄其年十二月請於朝祭掃并捧褒贈誥命焚於墓前行先次第具載於祀墳記內既畢公還朝當遷以所隸生徒多顯達轉宣教郎秘閣校理俄遷直秘閣提舉洪州玉隆宮賜緋

衣銀魚袋仍直秘閣遂乞歸隱到家日與李存皆以恬
退相觴詠時號崆峒二老宣和壬寅八十四無疾而終
諸孤聿追先志仍葬於通天巖之西偏立像祠之提刑
李公傳實助葬焉淳熙己亥提刑趙公葉延公璽命憲
屬程宏靜邑尹王沆新其墓

大理評事呂寅墓在興國屋山下春口壩

翰林編修王質墓在興國方大上合材寺背

豫章宮校蕭行可墓在興國羅姥頭

樞密院編修唐稷墓在會昌西北峴岡之麓胡忠簡銓銘
其墓

翰林侍講尹天民墓在會昌城南

贛州府志

卷十

塚墓

二二

翰林學士劉滄崖墓在會昌城南冠嶺

元

贛州路總管呂志熊墓在興國寶城鄉長信里大木口

明

大常卿呂復墓在興國南隅九峯山

石康知縣嚴鵠墓在雩都北門外打禾橋

監察御史陸載墓在贛縣雲泉鄉良富

儀隴知縣黃閏墓在信豐車頭村

按察使僉事黃思賢墓在信豐車頭村

湖廣布政司李旭墓在贛縣西門外

吏部主事黃德溫墓在信豐

樂清知縣劉時省墓在信豐

孝子呂叔素墓在興國寶城鄉長信里小坑

衢州通判曹明墓在信豐水東坊祖教寺右

廣東兵備僉事袁慶祥墓在雩都三門灘洛坑

廣西平樂知府嚴鉢墓在雩都北門外打禾橋

涇府審理俞溥墓在信豐黃陂半逕

刑部主事黃宏綱墓在雩都西門外生佛寺右

樂昌知縣謝魁墓在興國鳳庄蒼鶯樹下康熙五十二年

癸巳裔孫孔鶴重修

巡按監察御史袁淳墓在雩都麻油坑口渡船嶺

長興知縣黃注墓在信豐

贛州府志

卷十

坵墓

二三

南京工部主事何廷仁墓在雩都東門外哀嶽廟後

德府審理江湖墓在信豐

孝子王朝綱墓在興國大足鄉松岡寨

巡撫應天僉都御史李涑墓在雩都中城湖今改建固院

三搭坑

四川布政司謝詔墓在贛縣九十四都沈邊

大理寺左丞劉思誨墓在贛縣之信豐江南畚淵倪文貞

元璐銘其墓

銘曰章水貢水交靈起哲天祿卯金元城漢鐵北寺嗶

嗶黨碑業業碩果或存元茅其茁奸曰殺之亦不得殺

帝曰爵之亦不得爵殆至古人莫可濡熱猗歟劉公豹

文龍德生氣熊熊千古墓碣

光祿寺左丞興國鍾春墓在贛縣梅林

按察司副使黃大節墓在信豐小江早禾田

推官金汝和墓在贛縣南郊外教場前

知縣彭森墓在贛縣五眼橋樟樹坪

廣州通判郭咸和墓在萬安綿津

荊州推官鍾應問墓在龍南象塘堡峽頭

馬湖府推官石城溫卓墓在龍南大官窩

旌德知縣張淵墓在信豐

巡撫浙江都御史甘士价墓 御葬信豐水東坊九子嶺

萬歷四十三年乙卯遣江西布政使司贛南嶺北道葉

贛州府志

卷十

塚墓

二四

其蕃諭祭

制曰惟爾清修實政體國愛民劇邑兩著乎循良西臺
備聞其蹇諤歷官大理晉位中丞當吳越之懷襄痛黎
民之饑溺請漕發粟起溝壑於更生飭武厲兵消萑苻
之竊發士行實宗其正學民心久戴其深仁殞謝有年
感思弗替宜加異數先播彝章祭葬并頒忠廉永勵

贛州衛副千戶孫韜孫蘭墓俱在郡城小南門

廬江知縣劉思騰墓在贛縣汶溪謝屋樓前

唐府長史鍾旻墓在興國北隅花園前

孝子凌汝祥墓在興國迴龍牛皮寨

孝子呂承廣墓在興國沫泗橋

魯府教授俞琳墓在信豐桐木堡小溪渡頭

工部郎中文伯達墓在會昌水東

北流知縣蕭鶴齡墓在會昌城南冠嶺

孝友馬麟墓在信豐

孝子李元祺墓在信豐楊坊堡福船岡

孝子黃學墓在信豐

河間屯田同知盧觀象墓在贛縣

州倅月世光墓在贛縣

按舊志有興國內侍謝時安墓張尚瑗按云正統三年諭葬碑猶存白石瑩潔如玉堅緻故獨無恙仆亭址中胡宗伯澐所撰志銘今無有矣查興國志謝時

贛州府志

卷十

坵墓

二五

安傳云年十五給事內庭高帝令庀孝陵工永樂間令營長陵時遷都燕京復令增修宮闕朝市進本監太監後被命往川西採運木石凡八往返以勞勩恪勤益任之正統戊午卒乞歸葬祖塋許之其事實亦無甚可傳姑附於此

國朝

贈榮祿大夫曹艷官墓在贛縣東門外白雲山

南昌總鎮曹建龍墓在贛縣

禮部侍郎王思軾墓在興國清德鄉蓮塘

合水知縣劉時通墓在贛縣

提督雲南學政何其睿墓在贛縣四會鄉長演壩

廣德州知州詹宜倫墓在贛縣六十五都小背坑

監察御史劉宗魏墓在贛縣桃子園

汝寧府知府徐紹洵墓在贛縣

以上俱本郡

漢

柴侯劉叔喬墓在雩都水頭里靈帝時避地於此卒葬焉

按南康記云漢靈帝時有劉叔喬避地於此預爲柩

櫬自書曰漢柴侯人始知之爲葬村側晉末盜發其

塚忽大風雨松柏及棺悉飛渡此山其棺乃化爲石

山因得名

前五代梁

贛州府志

卷十

坵墓

二六

銀青光祿大夫檢校工部尚書鍾匡墓在興國瀲江鎮沙

陂匡字元弼世居潁川長社仕梁以事謫臨江郡守致

仕避侯景難偕弟寵攜家徙南康郡年八十二薨於逆

旅厝於瀲江鎮沙陂上秋阮

舊志云考新唐書宰相世系止言永嘉郡丞嶼之子寵

徙居贛而不及匡鍾氏族譜邑令唐子儀序謂匡爲嶼

子寵爲嶼子匡之子矩後遂絕而寵子寶慎四傳至紹

京或者唐書止溯紹京之所自出而不及匡未可知也

譜成於鍾氏敬民敬民洪武中以儒生見重於子儀子

儀賢令有詩文名其言當有所據也爰志之

曰侍郎墓在安遠南逕

安遠縣志論云安遠非通都大邑陵墓之可紀者不槩見千餘年來所聞藏中野而不封不樹者則有待郎白墓將軍晁墓二張墓或以官傳或以名傳或以物傳第不加載筆如歷久不泯何太史公曰予登箕山其上蓋有許由塚云又於信陵君傳高祖置塚旁五家倘非其人不可朽何以不忘在一坏土耶

唐

張景墓在安遠上林鄉安樂里不知爵里籍貫有斷缺石碑載唐咸通八年未有百世之下豈泯斯文八字都監楊筠松墓在雩都藥口今稱爲楊公壩筠松竇州人明萬歷初知府葉夢熊豎碑表之

贛州府志

卷十

塚墓

二七

殉節巡檢張武翊墓在安遠賓陽門外年代籍貫無考按縣志墓有古榕濃陰四覆乾隆四年邑紳士具呈前令吳侯禁止樵採批云前賢遺愛雖不係乎種植覩物思人足見人心不忘從此永禁勿得擅伐并誌之以垂來茲云

何欲揚馬殉張公死論云張公戰死馬啣其首以歸而亦死異哉然不異其人而異其馬人物共秉陰陽五行之氣以生人得其正物得其偏人得其靈物得其蠢故人無忠義之心者必斥以爲物之不如馬則何知廝養耳驂乘耳豈能責以忠義以死報主哉然吾謂馬之死又易於人也人有繫戀馬無之人有牽滯馬又無之馬

猶愈於人矣抑又有說昔王湖與馬咸戰以數十馬□
戟於鞍自後刺之馬驚奔潰咸軍此馬之力也馬可助
公於勝矣慕容超欲害司馬休馬視鞍數四救休馬可
救公於前矣卒致公以死何益雖然湖之勝咸馬之多
也此則勢孤超之害休可走也此則賊臨城不可脫故
意斯馬也賊勢轟擁我師敗北非不欲如墜水者而爲
尾之緣非不欲如力努者而爲溪之躍非不欲如落井
者而爲輜之垂勢固不能致使團麴無所用其捷騏驥
無所用其勇步景無所用其神惟啣其首而以死報豈
不悲哉抑又聞呂布名將也赤兔名馬也布爲曹殺馬
卒歸曹未聞殉布以死項羽霸王乘馬名騅至烏江時

以騅與人曰吾乘此馬日行千里所當無敵羽刎馬亦
未聞殉羽以死若此馬者雖千古之名馬豈能及哉或
者布殺丁刺董不義羽一匹夫之勇固不如張公舍生
取義殺身成仁馬亦惟知有死無二而已相傳人羨其
義葬馬墓園昔人欲以大夫禮葬馬譏之者曰以雕玉
爲棺以文梓爲椁施之此馬當無愧矣又曰死或輕於
鴻毛或重於泰山在人固爾馬亦宜然

宋

丞相呂大防墓在信豐南山金文寺右

縣志云公秦人元祐中與劉摯范純仁同時輔政謫黜
奸邪執政八年始終一節後爲章惇來之邵所排擠奪

官流嶺南道經信豐寓南山寺疾作遂卒疾劇時語□
子景山曰吾不復南矣汝歸尚有遺種公遂葬於此此
舊志所紀載也攷續通鑑云大防卒於信豐哲宗問大
防何以至虔州左右不對及大忠請歸葬遂許之則汲
公之墓不在信豐也明矣今一塚尚存遊人過南山者
皆必爲之瞻拜焉豈其卒時曾渴葬於此後之人不欲
泯其跡特存此一坏土以重其地耶則公之孤忠亮節
足以感發人心者於此可見也矣

按舊志呂大防家居時有僧踵門募化大防即諾以
金錢僧曰願化公壽噐大防覺其有異慨與之後爲
相奪官流嶺南道經信豐南山寺疾作見壽噐在焉

卒即以此棺殮之

國朝張尚瑗拜呂汲公墓詩云垂簾元輔數關中正色
閭閻七尺躬已謝黨爭超雒蜀猶懼竄罰矯熙豐百嫌
不礙尊賢意二井長霑潤物功歸葬君恩青史在故留
疑塚重蠶叢 國事分明屬二惇反顏揚畏又安論迢
迢望闕鬱孤路歷歷鐫碑端禮門何處粉昆騰謗尤他
時鐵漢慶還轅玉棺可是從禾下留取竒僧話宿根
周之鼎詩云流火新占入鬼輿隆平遺烈蕩無餘何辜
戇直情相賣不稱愆尤罰肯紓青史坐連揚誹語粉昆
幾幸免爰書首邱無復孤臣望拜闕應知血滿裾 張
瀚詩云萬里南荒竄孤忠逐旅魂君恩已歸葬此地墓

猶存斷碣莓苔合空山狐兔蹲春風寒食近吾欲奠椒
罇黃天策詩云山鬼然疑路險難當年懷古淚闌珊
故封蟻鼠神悽慘遺匣蛟龍事渺漫荒堞雲沉宰樹暗
空山雨落墓門寒斜陽野寺蕭蕭晚徒倚蒼茫弔碧巒
力與熙豐激後塵昂昂元宰負宣仁口顏性譎深相
陷佇目恩衰枉後親謫地遞移千萬里還期虛付二三
春莫論底事虔州去要與青山重逐臣旅櫬空餘付
草萊雲橫秦嶺路難回鬼誅定指溫公續客死應同元
考哀象杳景靈悲故事多高端禮記渠魁丰標獨羨身
孤挺中立無曾植黨來社飯寧忘涕泗垂一番別用
歎移時空教魑魅逢人喜長恨靈魂失路悲秋月汶川

贛州府志

卷十

坵墓

三十

森夜戍春渠永壽恬流漸荒郊亦幸留遺跡萬古衣冠
照版碑

元

殉節縣尹李廉李敬墓在信豐縣廉籍安福以至正進士
尹信豐紅巾賊奄至率里民力戰遇害尚書全普安撒
里舉其子敬嗣任復與賊戰死祔葬父塚

詳名宦

按通志據豫章書立傳并錄其原跋云李廉死事本
末詳見劉三五正氣錄及羅子應隨錄中所著有
春秋會通楊東里題其後云明修元史時行簡廉字相
知無在朝者故不得列諸史傳世之知者少其於春
秋不徒能明之蓋煒然有光科目也今信豐志既傳

其父子死事立雙節祠又著其坵墓亦可謂煒然有光於志乘矣

翰林供奉知龍南縣陳泰墓在龍南馬鞍山泰籍湖廣茶陵州延祐進士令龍南率民兵征峒賊力戰於犁鼻山被執遇害葬此明知縣王繼孝捐俸修葺表於墓道

明

縣丞李子昭墓在信豐水東坊祖教寺左子昭籍北直博野縣

知縣王學古墓在信豐水北坊中山塘側學古籍交趾下洪州

訓導林學之墓在興國社稷壇後有古碑西向苔繡堅完

贛州府志

卷十

坵墓

三一

按碑載嘉靖十一年二月故訓導延平林公學之墓儒學生員張賢等立考蔡志嘉靖八年有福建長樂林時懋任興國訓導延平惟將樂縣或譌爲長樂學之於時懋似以字行者豈八年到任十一年卒冷署空囊莫歸鄉土張等因加封埴亦可徵士習之厚矣殉節主簿李鳳朝墓在信豐廩山鳳朝籍貴州與賊賴清規戰死於此即瘞焉其地今呼爲主簿腦

余侯墓在會昌乾坤巖金船峽相傳余侯得神龜於此龜亡侯亦卒葬峽旁立廟祀之其地今呼爲余侯峽

按余侯不詳其里居名氏縣志職官有明洪武間知縣余文鎮嘉靖間主簿余章前此無姓余而官此者

處士福建同安蔡培卿墓在興國西山墟北霞猫嶺知縣蔡鍾有從弟

晉江三處士墓一林子樹墓在興國陽嶺山腰一林國宗墓在子樹墓後一林兆遷墓在蔡培卿墓側萬歷間知縣蔡鍾有構地葬此

按縣志跋四處士墓一蔡培卿知縣蔡鍾有之弟三皆鍾有客也既構地營葬并置田租八石付鄉約爲醮祭契案存庫嗚呼鄉約豈永可付之人契案豈長可憑之物殘壟斷碣遺落空岡更閱百年焉知不沒於樵芻乎因輯邑乘撫卷惻然錄之於此以見蔡令誼篤故交無歸我殯之義云

贛州府志

卷十

坵墓

三二

翰林院編修改授職方司主事楊廷麟墓在贛縣西河上

楊秀亭右亭即康大靈王廟

按廷麟死於清水塘右軍將軍賈熊識其刀知爲非常人馳視其尸咸曰揚閣部也賈感其忠以四門扇瘞於西門外河上後麟子求得其處改葬於楊梅渡灘楊秀亭右百步題曰明閣部楊伯祥諡文正公墓碑僅尺許此康熙九年事也

太僕寺卿萬元吉墓在贛縣西河上

按元吉死於貢水柯永盛藁葬之柯去不知其處一說在桃花坳

國朝

殉節知縣曹邦偉墓在定南城東門外教場演武臺左貢
生廖汝鏞殯葬

殉節典史蔡國相墓與曹墓左近雍正六年戊申典史包
坦遷祔曹墓合塋題曰雙忠墓有記乾隆三十四年己
丑貢生黃卷廩生黃培等重修訓導汪洸記

包記云予會稽人也雍正六年春任贛之定南尉偶謁
忠烈祠覽志乘悉縣令曹公邦偉典史蔡公國相先後
殉難最慘明年復於荒垣野蔓中得二公骸骼浮厝有
年予力薄且將謝事僅瘞焉不獲表彰大節以慰忠魂
惟望邑之當事暨紳士父老廣爲增葺永加維護植蔭
木構祠宇歲時有祭祭必及曹公之子庶不負二公之

捐軀報國且以見忠臣孝子之當爲云 汪記云雙忠
墓者定邑故侯曹公故尉蔡公合櫬之所也據志順治
六年流賊入城曹公舉家盡節順治八年流賊入城蔡
公死之蓋精忠大義先後同揆如此曹公之歿也貢生
廖汝鏞瘞之則未知瘞蔡公者誰也雍正七年縣尉包
公坦始移蔡公骸葬於此題曰雙忠碑紀二公實蹟此
地故爲德化寺葬時已無寺也迄今四十年墓已圍入
蔬圃原址卑小且就圯包公捐粟六石爲歲祀費亦不
可問矣今年春邑人黃卷黃培等共議復修乃具呈邑
侯張公公嘉其意給公費錢四千復集錢若干廣其規
模而固築之既成以告且屬予記予維捐軀殉節恒人

所難褒善報功令典所重以二公之忠烈數十年墳墓
污穢不治今張公蒞任甫浹月聞請即給費獎勵遂以
有成斯舉也不僅妥兩公靈爽於九原主持風教之槩
亦於此可見矣若夫後之人加意保護祠祀不朽是又
今日之所厚望也夫

漏澤園義塚附

贛州府贛縣漏澤園一在東門外竹掃園一在南門外明
王都御史守仁檄知縣宋瑤購建一在水東坊東溜巷
一在苑田皆知府戴記置一在城外東坊
潤枯園明泰昌元年爲錢都御史桓置三處一在竹掃
園一在天花園一在上打鄉又有二處一在桐梓園郡

人戴學大捐置一在東郊駱駝嶺知府謝錫袞置
了因院在蓮社菴後康熙年間關權使者任邱霍焜建
以停旅櫬內設浮屠收火葬遺骨焜有詩

詩云燕山三月春風速花飛驛路相馳逐虔州五月暑
氣炎乍到江關性不服道說虔南蓮社菴禪房曲逕通
幽竹荷風法雨靜南薰貝葉琅函開西竺我坐香臺萬
慮清欲駕青霞遍林麓寶華上人號撫松性涵水月凝
枯木打破關頭更了因撥動禪機如轉轆面壁相忘紅
雪嬌談鋒倒瀉明珠斛同來抱月吾好友說到叅禪縱
詩酒相滌塵襟仰太空白衣瞬息成蒼狗富貴徒勞萬
與千以此看之十失九君不見蓮社浮屠名普同青燐

白骨月濛濛芳草不憐春夢短閒花欲落故園空又不見浮屠歲久風雨促掩骼因緣頻斷續我發菩提再築之江水江雲依舊綠年年八月秋風發處處青閨禱明月人生聚散不須悲且看浮屠掩枯骨浮屠枯骨誰家子貴賤賢愚皆爾爾又不見六朝金粉興闌珊一聲鶻鳩春已矣

普同塋在東城外棲賢菴 國朝康熙間知府萬文齡邑人曹建龍修乾隆十九年甲戌建龍孫曹元仁重修知縣沈均安有記

記略云普同塋在贛東城外之棲賢菴不知剏始何代康熙間知府萬公文齡邑南昌總鎮曹公建龍凡再修

之年久傾圮寺僧亦散破棺露積乾隆十九年總鎮孫前河南守曹公元仁欲重新之以告余余曰掩骼埋胔亦令甲之所重也弗爲繕葺何以慰夫露處之魂魄耶今菴之塋以收無主之骨余以碌碌簿書弗獲董其事因爲簿籍倡捐而一屬之曹公乃爲時僅期而菴宇神像以及塋砌墀磴皆煥然改觀矣計經始於十九年七月落成於二十年之九月共費銀四百餘金其菴前廣四丈輪二丈三尺後廣與前埒而輪加三分之一左右爲兩廂兩廂壁後爲存寮二所俱廣六丈輪二丈存寮以貯旅櫬貧不能葬者亦往厝焉後苑爲塋塋名曰普同以收枯骸歲終則總計其久遠無人展視者而葬之

官地東西室爲僧居後之東西室爲肆區收其入以給僧其經營擘畫皆曹公身任之而余特觀其成焉昔曹褒葬無主之骨而漢書特稱之今之菴塋公先總鎮公實嘗修焉今公能繼之可謂世載其德矣今爲計其成而邑之以貲助修者例得并著名焉

西門外義塚在了因院西南蓮社菴北乾隆三十七年巡道忠泰知府吳山鳳捐俸建置有記立碑了因寺記云余守贛二載競競然無日不以正人心厚風俗爲念壬辰夏方撰爲短歌刊布禁民之溺女不育及檢骸易葬者思有以動其天良而挽其澆薄之習有來告者曰短歌之布誠仁人用心顧城外東西寺院尸棺狼藉

枯骸棄擲公盍起而謀之俾各安土壤乎因亟命贛邑陳尉往視越日來復謂城外東栖賢菴西了因寺本前賢捐建俾客居者寄櫬今則土著咸利其便爭舁棺積厝家貧中落歷久而忘其惑於形家言者則發已葬之骸甕貯置側亦歷久而忘而西東二門龍神廟等處並有寄櫬各寺廟通計棺二百餘甕六十餘強半無主識認余蹙額曰人心風俗之不古若有如是哉此而不爲之謀守土者之心不其怒然不寧已乎即日具牘聞於大府觀察忠公捐俸倡始爰命李學博偕陳尉經紀其事凡有主之棺責令本家自葬其無主有姓名者以姓名造冊無主無姓名者依原厝某寺某屋某方編號繪

圖造冊購得西門外蓮社菴西北地一片橫十三丈五尺深十二丈與舊漏澤園相接足供掩埋男歸男類女歸女類火化不辨男女者歸火化類墓立石碑府著圖冊稽圖冊以對墓碑即無姓名之骸子孫亦可識認蓋捐俸五十而諸骸悉返於土前告者復來曰此事惠及枯骨功德無量矣余應之曰郡守臨蒞九邑凡九邑未竟之事皆郡守莫釋之責掩數骸而自以爲功則掩骸而外未竟者咎將誰屬余所謂聊以釋片時之憾無使其終於惘然不寧而已且夫山深壤僻小民不聞大義急朝夕之謀而忘其根本者所在多有至於先骸棄擲雖甚殘忍之夫不免天良激發今茲所購視類有泚而

掩覆之者不尤爲不若哉凡我同官宜何如加意勸懲俾人心風俗悉還於古吾之憾雖釋於一時吾之心其果終釋而無復惘然不寧也乎

義塚一在愛敬鄉山栲塘一在石馬山一在長湖尾俱東韶劉主祠捐置

雩都縣漏澤園一在北關外一在縣西明覺寺右廣長五頃宋崇寧間建置嘉定十七年甲申知縣余機築墻爲門基址已盡明萬歷二十一年癸巳知縣黃應元又購二區一在長仍坪一在北古田坪 國朝康熙四十三年乙酉知縣盧振先查舊古田坪重立信豐縣漏澤園在縣治南宋崇寧間置

義塚一在水北天一宮一在西郊長面嶺一在水東樟木嶺俱雍正十二年里人曹清瑞捐施又水東樟木嶺先農壇前一處係乾隆三年里人李捷達捐施

興國縣漏澤園在縣北太和門外二里宋寶慶丙戌知縣李德建

義塚一在瑤岡背一在大馬埠教場前俱有碑石一在西山塋前一在桐塘口大路北竹山下

普同塋在北郊凡死無所歸者俱殯於此邑人謝廷煥等倡建

會昌縣漏澤園一在南郊林岡腦茶園背明知縣冒夢齡置一在水東月形邑人謝益置

贛州府志

卷十

義塚

三八

萬靈塋在護生菴背西北邑人賴之冕置與茶園相近義塚在高排

安遠縣漏澤園一在古田坊一在西門外燒金均崇寧年間置

義塚在修田坊黃泥嶺官山內乾隆十二年署知縣劉彤奉督部院趙檄建立碑

義冥園在古田坊大興寺左乾隆十五年知縣董正統邑人以原管合邑士民樂輸普濟生息銀起建義冥園唐光文有記

記略云昔文王怙冒西岐澤及枯髀仁心仁政千百世下莫不樂道興感於不忘故後世義塚冥園亦倣其遺

□推及寰區而凡有不忍之心爲所得爲行所能行者皆廣勸以適其心之安而陰幽以妥焉安邑地僻雖非通都大區輪蹄羈旅重趼踵至豈無靡室靡家飄零無所歸者豈無他鄉異客或塗經殞落或寄留無舍者惻隱皆有忍令其委棄道旁不藁埋葬之乎雍正十二年署邑令劉彤踩修田坊黃泥嶺官山距城八里許界以碑收埋得土塚則未建也今乾隆十五年會修邑乘攷古墓有桑棗園在大興寺後未載何時及核其地俱塚壘壘而祭有主者至漏澤園置於宋崇寧間坊則載矣而的土何所亦無從尋識沐董賢侯慈祥推暨惠施泉壤誠惻隱上下皆同好義士民所樂者也據情呈縣蒙

准爰踩得附郭近地名古田坊大興寺左官山以余同黃君希孟族兄佐命羣望鍾君騰波賴君雪魁克昌等經管普濟生息餘金二百一十九兩所用不足光文倡捐五十仍勸廖君瓊瑩三十及黃君希孟盧君雲會鄭君敷政薛君如松魏君相度其尤陳君立方各輸十金以倣吉州之萬安縣惠真園式而培增焉於乾隆庚午八月十六興工砌磚石以立之橫濶六丈長徑九丈五尺枯骨宅中四向葬棺而圍以牆仍置修田石嘴頭毆田田園二共靡金三百七十三兩有奇租以給看管墓祀之需永守勿替并志於乘勒於石

龍南縣漏澤園在南門城外教軍場即今叢塚又龍南四

鄉士民俱立有義塚

長寧縣漏澤園一在北城外一在東門外一在縣背嶺

義塚在阜城門外邑厲壇右雍正十二年甲寅知縣陶
正士擇地豎碑

定南廳漏澤園一在城東教場前一在城東塋下一在西
門窑下

義塚一在雙忠墓側增生廖逢蓉捐葬遺化祠古骸於
此一在城東教場口曾希聖捐建一在橫江堡車步鍾
瀾等捐建

論曰昔人稱南贛地居嶺北人重首坵不輕去其鄉
蓋有合於死徙無出鄉之義又謂贛俗惑於風水致

營謀侵佔而滋訟獄豈楊曾師弟神其青烏家言其
流弊中於人心有積重難返者耶夫人死歸土魂升
而魄降仁人孝子將欲安親之體魄凡以圖此心之
安初非爲福田利益計也周官墓大夫掌邦墓之兆
域而爲之圖芻牧者繩之掘發者刑之又以荆榛封
護使勿得與平原埽且繼之以掩骼埋胔之政而漏
澤園義塚之名緣之以起古聖王之用心如此贛之
士大夫其亦講之熟矣今觀各邑所志坵墓多其鄉
先達沒而可祭於社者非其人弗之登也若夫宦遊
羈旅忠孝隱逸諸名流自漢以來遺坵斷壠某阡某
土馬鬣依然迄今猶可指而數後之人過墓思敬加

以封埴而頑廉懦立百世之下莫不興起孰謂贛人
盡惑於風水哉

贛州府志

卷十

義塚

四一